

Canllaw i Ganlyniadau

Bagloriaeth Sgiliau Cymru Uwch

Mehefin 2026

Mae'r ddogfen hon yn cynnig trosolwg o ganlyniadau. Mae'n rhoi manylion ynghylch beth i'w ddisgwyl ar ddiwrnod y canlyniadau, y ddogfennaeth y byddwch yn ei derbyn, gwybodaeth am ffiniau graddau, a lle gellir dod o hyd i gyngor ac arweiniad ychwanegol.

Cynnwys

1.	Diwrnod y canlyniadau	3
i)	Casglu canlyniadau arholiadau	3
ii)	Beth i'w ddisgwyl	3
iii)	Sut mae'r canlyniadau yn cael eu dangos ar y slip canlyniadau	3
iv)	Symbolau a ddefnyddir ar slip canlyniadau	3
2.	Deall canlyniadau	4
i)	Esbonio graddau	4
ii)	Esbonio marciau	4
iii)	Sut mae marciau'n cael eu trawsnewid yn raddau	4
3.	Ffiniau graddau	4
4.	Adroddiadau cymedrolwyr	5
5.	Beth i'w wneud os yw ymgeisydd am wneud ymholiad am ganlyniad	5
6.	Pryd bydd tystysgrifau ar gael	6

1. Diwrnod y canlyniadau

i) Casglu canlyniadau arholiadau

Rhaid i ymgeiswyr dderbyn eu canlyniadau arholiadau oddi wrth eu canolfan, fel arfer ar y diwrnod canlyniadau swyddogol.

Ar gyfer cyfres Mehefin 2026, cyhoeddir canlyniadau o 8.00 a.m. ddydd Iau 13 Awst 2026.

Nid yw CBAC yn gallu darparu na thrafod canlyniadau dros y ffôn na drwy gyfathrebu ar e-bost ag ymgeiswyr neu rieni, hyd yn oed os yw'r ysgol neu'r coleg wedi cau. Dylai ymgeiswyr, felly, gadarnhau â'u hysgol neu goleg pryd a ble bydd canlyniadau ar gael i'w casglu a sut a gyda phwy y gallent drafod unrhyw faterion neu bryderon.

Ni ddylid datgelu canlyniadau i unrhyw un arall gan gynnwys awdurdodau lleol a'r cyfryngau tan ar ôl 9.30 a.m. ar ddiwrnod y canlyniadau perthnasol.

ii) Beth i'w ddisgwyl

Ar ddiwrnod y canlyniadau, fel arfer bydd ymgeiswyr yn derbyn darn o bapur gyda'u canlyniadau arno.

Canlyniadau rhagarweiniol yw'r rhain ar hyn o bryd; gall fod newidiadau yn hwyrach ymlaen, er enghraifft yn dilyn Adolygiad o Gymedroli.

iii) Sut mae'r canlyniadau yn cael eu dangos ar slip canlyniadau

Bydd slipiau canlyniadau yn dangos canlyniadau ymgeisydd ar gyfer pob project a gyflawnwyd yn ystod y gyfres arholiadau honno.

Bydd slipiau canlyniadau yn dangos marc unfurf (GMU) a gradd ar gyfer pob project.

iv) Symbolau a ddefnyddir ar slip canlyniadau

Yn ogystal â graddau a marciau, gall slipiau canlyniadau gynnwys symbolau eraill:

Mae **X** yn dangos nad yw canlyniad yn cael ei gyhoeddi oherwydd absenoldeb yr ymgeisydd ar gyfer pob cydran/uned. Mae'n bosibl hefyd y penderfynwyd peidio â chyhoeddi canlyniad. Ni fydd unrhyw bwnc ag (X) yn ymddangos ar y dystysgrif.

Mae **Q** yn dangos bod canlyniad i ddod neu ddim ar gael ar hyn o bryd.

Rhoddir y dangosydd hwn nesaf i'r radd gyffredinol os yw'r ymgeisydd wedi cwblhau gwaith ar gyfer rhai, ond nid pob un, o gydrannau neu unedau'r pwnc.

2. Deall canlyniadau

i) Esbonio graddau

Adroddir pob project fel llythyren fach a – e (gradd a fel y radd uchaf).

ii) Esbonio marciau

Marciau crai

Mae cyfanswm marciau crai yn cael ei ddyrannu i bob project.

Graddfa marciau unffurf (GMU)

Yn y manylbau unedol mae marciau crai yn cael eu trawsnewid yn farc unffurf (GMU) i'w ddefnyddio fel dyfais ar gyfer adrodd, cofnodi ac agregu canlyniadau project ymgeiswyr. Mae trawsnewidydd marc crai i GMU i'w gael ar ein [gwefan](#) (gwybodaeth ar gael o ddiwrnod cyhoeddi'r canlyniadau).

Adroddir marciau unffurf fel marciau cyfan ac felly, os bydd angen gwneud hynny, byddan nhw'n cael eu "talgrynnu" (e.e. adroddir marc unffurf o 19.6 fel 20). Er bod hyn yn rhywbeth prin, gall olygu bod marc crai ar frig yr ystod marciau mewn gradd yn trawsnewid yn farc unffurf wedi'i dalgrynnu sy'n cyfateb i'r radd nesaf i fyny. Noder, er na chodir gradd y project yn rhan o'r broses dalgrynnu, y bydd y marc unffurf wedi'i dalgrynnu'n cael ei ddefnyddio wrth gyfrifo'r radd gyffredinol.

iii) Sut mae marciau'n cael eu trawsnewid yn raddau

Cyfrifir gradd gyffredinol y cymhwyster gan adio'r marciau unffurf a enillwyd yn y projectau at ei gilydd. Mae hyn yn rhoi cyfanswm marciau unffurf i'r ymgeiswyr sy'n trawsnewid yn radd gyffredinol yn seiliedig ar ffin y radd.

3. Ffiniau graddau

Ffiniau graddau yw'r nifer isaf o farciau y mae eu hangen i ennill pob gradd. Mae ffiniau graddau yn sicrhau bod ymgeiswyr yn derbyn yr un radd ar gyfer yr un lefel o berfformiad, pryd bynnag caiff project ei gyflawni.

Mae ffiniau graddau GMU yn aros yr un fath bob blwyddyn gan nad yw amrediad y canrannau marciau GMU a ddyrennir i radd benodol yn newid. Mae ffiniau graddau GMU yn cael eu cyhoeddi ar lefel gyffredinol y pwnc a lefel gyffredinol y project.

Bydd y graddau cyffredinol ar gyfer y cymhwyster Bagloriaeth Sgiliau Cymru Uwch yn cael eu cofnodi fel gradd ar y raddfa A* i E. Bydd y canlyniadau sy'n methu â chyrraedd y safon isaf ar gyfer y dyfarniad yn cael eu dangos fel U (annosbarthedig). Nid yw'n ofynnol i ymgeiswyr lwyddo yn y tri phroject i gael gradd gyffredinol. Bydd canlyniadau projectau yn cael eu hadrodd ar slipiau canlyniadau fel llythyren fach (a – e). Bydd canlyniadau projectau sy'n methu â chyrraedd y safon isaf ar gyfer y dyfarniad yn cael eu dangos fel u (annosbarthedig).

Mae marciau Unffurf (GMU) yn cyfateb i raddau Projectau fel a ganlyn:

Pwysoliadau'r Project	Uchafswm Marciau Crai	Uchafswm Marciau Unffurf	GMU y Project				
			a	b	c	d	e
Project Cymuned Fyd-eang (25%)	72	90	72	63	54	45	36
Project Cyrchfannau'r Dyfodol (25%)	72	90	72	63	54	45	36
Project Unigol (50%)	96	180	144	126	108	90	72

Mae'r cymhwyster yn seiliedig ar y cyfanswm GMU a gyflawnir ar draws y Projectau.

	Uchafswm Marciau Crai	Uchafswm Marciau Unffurf	GMU y Cymhwyster					
			A*	A	B	C	D	E
Bagloriaeth Sgiliau Cymru Uwch	240	360	324	288	252	216	180	144

Gallwch weld ffiniau graddau unedau a'r wybodaeth am drawsnewid marciau crai yn farciau GMU yn ein trawsnewidydd gradd **yma** (gwybodaeth ar gael o ddiwrnod cyhoeddi'r canlyniadau).

4. Adroddiadau cymedrolwyr

Mae adroddiadau cymedrolwyr ar gael i'w lawrlwytho o'r adran asesiadau mewnol / canlyniadau ar Porth hyd at **31 Rhagfyr 2026**.

Dylai canolfannau y mae angen adroddiadau arnynt ar ôl y dyddiad hwn gysylltu'n uniongyrchol â thîm y pwnc i gael mynediad at yr adroddiad.

5. Beth i'w wneud os yw ymgeisydd am wneud ymholiad am ganlyniad

Mae'n bwysig bod ymgeiswyr yn trafod unrhyw bryderon â'u hysgol neu goleg, Swyddog Arholiadau neu athro fel arfer, a phenderfynu ar yr opsiynau gorau sydd ar gael.

Os teimlir bod gwall wedi digwydd, gallai'r ganolfan wneud cais am:

- Adolygiad o'r cymedroli ar ôl y canlyniadau – noder nad yw hwn ar gael ar gyfer ymgeiswyr unigol.

Ni all ymgeiswyr mewnlol na rhieni wneud cais. Byddem yn annog ymgeiswyr preifat i ofyn am gyngor ac i wneud cais drwy eu canolfan gofrestru ond gallant hefyd wneud cais yn uniongyrchol drwy e-bostio ein Gwasanaeth Ar ôl y Canlyniadau – gac@cbac.co.uk yn nodi enw'r ymgeisydd, rhif yr ymgeisydd, rhif ac enw'r ganolfan mewn unrhyw ohebiaeth.

Am fanylion pellach, ewch i'n tudalen [Gwasanaethau ar ôl y Canlyniadau](#) a chyfeiriwch at y wybodaeth a gyhoeddir gan y CGC am weithdrefnau [Gwasanaethau ar ôl y Canlyniadau](#).

Nid oes angen cydsyniad ymgeisydd ar gyfer adolygiad o gymedroli gan na fydd y radd wreiddiol yn cael ei gostwng. Fodd bynnag, dylai ymgeiswyr a chanolfannau fod yn ymwybodol y byddai marc wedi'i ostwng yn cael ei drosglwyddo i ardystiad yn y dyfodol.

Bydd y canlyniad yn cael ei gyhoeddi yn uniongyrchol gan CBAC i'r ysgol neu goleg, a byddan nhw wedyn yn trosglwyddo'r wybodaeth i'r ymgeiswyr. Os cyflwynwyd cais gan ymgeisydd preifat yn uniongyrchol i CBAC, yna'r ymgeisydd ei hun fydd yn derbyn y canlyniad. **Unwaith y bydd canlyniad wedi'i gyhoeddi, ni ellir adfer y marc gwreiddiol dan unrhyw amgylchiadau, hyd yn oed os yw'r marc newydd yn is na'r marc gwreiddiol.**

6. Pryd bydd tystysgrifau ar gael

Bydd tystysgrifau yn cael eu hanfon i ganolfannau erbyn mis **Tachwedd**.

Dylai ymgeiswyr wirio bod eu manylion personol, enw a dyddiad geni, yn gywir ar y slip canlyniadau a rhoi gwybod i'r Swyddog Arholiadau os oes unrhyw wallau. Rhaid i swyddogion arholiadau roi gwybod i CBAC am wallau, yn ysgrifenedig, yn ddim hwyrach na **4 Medi 2026**. Os nad yw gwallau'n cael eu cywiro yn y cyfnod hwn, bydd cost am dystysgrifau newydd ar ôl eu cyhoeddi. Dylai ymgeiswyr gadarnhau â'u hysgol neu goleg beth yw'r trefniadau ar gyfer derbyn eu tystysgrifau